



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL

PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZLA.nr.11/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Kujtim Pasuli kryesues, Hidajete Gashi Alaj, dhe Bujar Muzaqi, anëtarë, duke vendosur përkitazi me ankesën e [REDAKTUAR] me vendbanim në Gjermani, të parashtruar ndaj vendimit të KQZ-së, me nr. Protokolli 01/2318-2025 datë 03.09.2025, për Miratimin Rekomandimit për Refuzimin e Kundërshtimit Administrativ, në lidhje me aplikimin për regjistrim të votuesve jashtë Kosovës, për Zgjedhjet Lokale, që do të mbahen me datë 12 Tetor 2025, në seancën e panelit të mbajtur me datë 06.09.2025, mori këtë :

V E N D I M

REFUZOHET e pabazuar ankesa ZLAnr.11/2025 datë 04.09.2025, e ushtruar nga [REDAKTUAR] me vendbanim në Gjermani, paraqitur kundër Vendimit të 01/2318-2025 datë 03.09.2025, KQZ-së, për shkak të mos përfshirjes në Listën Përfundimtare të Votuesve Jashtë Vendi për Zgjedhjet Lokale në Republikën e Kosovës, që do të mbahen me datën 12 Tetor 2025.

A r s y e t i m

Me datë 04.09.2025, PZAP-i, përmes emailit zyrtar ka pranuar një ankesë nga [REDAKTUAR] me vendbanim në Gjermani, në të cilën pretendohet se e njëjta ka aplikuar për regjistrim si votuese jashtë vendit për Zgjedhjet Lokale. Komisioni Qendror i Zgjedhjeve (KQZ) e ka refuzuar aplikimin e saj me arsyetimin se adresa e banimit është i palexueshme. Menjëherë pas marrjes së këtij njoftimi, ka parashtruar ankesë dhe ka ofruar dëshmi shtesë të vlefshme, të cilat e vërtetojnë adresën e saj të banimit jashtë Kosovës.

Më tej në ankesë theksohet se pavarësisht dorëzimit të këtyre dëshmive të plota dhe të ligjshme, KQZ nuk e ka pranuar aplikimin e saj, duke i pamundësuar të drejtën kushtetuese dhe ligjore për të ushtruar të drejtën e votës. Ky veprim përbën shkelje të nenit 45 të Kushtetutës së Republikës së Kosovës dhe nenit 6 të Ligjit Nr. 08/1--228 Zgjedhjet e Përgjithshme, ku përcaktohet e drejta universale e qytetarëve të Kosovës për të votuar.

Kërkon nga PZAP-i, që të konstatojë se refuzimi i KQZ-së është i pabazuar, dhe të obligojë KQZ-në që të përfshijë në Listën e Votuesve Jashtë Vendi, duke i mundësuar ushtrimin e së drejtës demokratike për të votuar.

Parashtruesja e ankesës si dëshmi ka bashkangjitur dokumentet e identifikimit të shtetit Gjerman si dhe të Republikës së Kosovës.

Në përgjigje në kërkesë të KQZ-së, sqaron se shtetasja [REDAKTUAR] ka aplikuar përmes platformës elektronike. Shërbimi për votues ka shqyrtuar aplikimin dhe aplikuesja është njoftuar përmes emailit, në email adresën e dhënë gjatë aplikimit [REDAKTUAR] për refuzimin e aplikimit të saj me arsyen e refuzimit: "Dokumenti i adresës së banimit është i palexueshëm", meqë në dëshminë e bashkangjitur nuk vërehej asnjë e dhënë në të dhe si e tillë nuk plotësonte kërkesat e përcaktuara në rregulloren sikurse përcaktohet në nënparagrafin 4.4, të nenit 3, të Rregullores Zgjedhore Nr.04/2025, Regjistrimi dhe Votimi Jashtë Kosovës, ku thuhet: "aplikuesi fotografon dokumentin që dëshmon adresën e votuesit jashtë Kosovës, sikurse në nën paragrafin 4.1." Refuzimi është bërë për faktin se në dëshminë e bashkangjitur si vijon nuk shihet përkatësisht e palexueshme adresa.

Më tej në përgjigje theksohet se KQZ, ka pranuar kundërshtimin administrativ të [REDAKTUAR] [REDAKTUAR] parashtruar përmes emailit në email adresën kundërshtimi.vjk@kqz-ks.org, me datë 30.08.2025, ora: 19:01. Në kundërshtim, e njëjta ka paraqitur pretendimet si vijon: "Këtu është fotoja e dokumentit me adresë jashtë vendit për [REDAKTUAR] Së bashku me kundërshtimin, parashtruesja ka bashkangjitur dëshminë e adresës.

KQZ, ka themeluar Komisionin për Kundërshtim Administrativ, i cili ka shqyrtuar të gjitha kundërshtimet e pranura, përfshirë edhe kundërshtimin e paraqitur nga votuesja. Pas shqyrtimit të dokumentacionit dhe pretendimeve të votueses, Komisioni ka konstatuar se kundërshtimi administrativ rekomandohet të refuzohet, pasi nuk përmban elementet e kërkuara në Procedurën Standarde të Veprimit për Regjistrimin e Votuesve Jashtë Kosovës si dhe në udhëzimet e dhëna përmes email-it zyrtar. Në veçanti, është e detyrueshme që bashkëngjitja e fotografisë së aplikuesit me dokument identifikues të Kosovës në dorë të jetë pjesë e kundërshtimit, kusht ky që në rastin konkret nuk është përmbushur.

Komisioni e ka paraqitur rekomandimin në mbledhjen e KQZ-së nr.54/2025, të mbajtur më 03.09.2025, ku ndër të tjera është rekomanduar refuzimi i kundërshtimit të parashtrueses. Pas shqyrtimit, KQZ ka miratuar rekomandimin e Komisionit me vendimin nr. 01/2318/2025, duke refuzuar kundërshtimin administrativ të ankueses. E njëjta është njoftuar me email më 03.09.2025 lidhur me vendimin e KQZ-së, si dhe me të drejtën e ushtrimit të ankesës në PZAP brenda afateve ligjore.

Paneli, pas shqyrtimit të ankesës së parashtruar nga ankuesi, gjeti se:

-Ankesa është e pabazuar

Paneli e vlerësoj lejueshmërinë e ankesës dhe ka ardhur në përfundim se e njëjta i plotëson kushtet e përcaktuara me nenin 98 paragrafi 3 të Ligjit NR.08/L-228 për Zgjedhjet e Përgjithshme në Republikën e Kosovës, si dhe në nenin 4 të Rregullores për Procedurat e Parashtrimit dhe Vendosijes së Ankesave,

Paneli, pasi shqyrtoi lëndën, dhe vendimin me nr. Protokolli 01/2318-2025 datë 03.09.2025, të KQZ-së, konstatoi se i njëjti është i drejtë, dhe i ligjshëm, bazuar në këtë vlerësoi se ankesa është e pabazuar, pasi që parashtruesi i ankesës gjatë aplikimit të tij për regjistrim për votim jashtë Kosovës nuk i ka plotësuar kriteret e kërkuara sipas nenit 4 të Rregullores Zgjedhore Nr. 04/2025, për Regjistrimin dhe Votimin jashtë Kosovës të KQZ-së, në të cilin nen të të njëjtës Rregullore ndër të tjera thuhet se "Kërkesa për regjistrim përmes platformës elektronike të KQZ-së bëhet duke plotësuar dhe bashkangjitur, përkatësisht neni 4.4:

- *Fotografon dokumentin që dëshmon adresën e votuesit jashtë Kosovës, sikurse në nën paragrafin 4.1.*

Nga shkresat e lëndës, si dhe nga përgjigja e KQZ-se, Paneli vlerësoi se parashtruesja e ankesës në momentin e aplikimit për regjistrim për votim jashtë Kosovës, përmes platformes elektronike të KQZ-së, pavarësisht faktit që aplikuesja kishte bashkëngjitur disa dokumente të kërkuara si kopje të letërnjoftimit, dhe kopje të pasaportës gjermane ajo nuk ka plotësuar një nga kriteret e rëndësishme kriterin e dëshmisë së adresës së vendbanimit të aplikuesit e rregulluar me nenin 4.4 të Rregullores Zgjedhore Nr. 04/2025, për Regjistrimin dhe Votimin jashtë Kosovës të KQZ-së.

Megjithatë, përveç këtyre dokumenteve, sipas procedurave të KQZ-së, kërkohet në veçanti, dhe është e detyrueshme që bashkëngjitja e fotografisë së aplikuesit me dokument identifikues të Kosovës në dorë të jetë pjesë e kundërshtimit, kusht ky që në rastin konkret nuk është përmbushur, e kjo e paraparë me dispozitën e nenit 3 paragrafi 5 pika 5.4 të Rregulloren Zgjedhore Nr. 04/2025, për Regjistrimin dhe Votimin jashtë Kosovës të KQZ-së.

Ky kriter specifikon që aplikuesi duhet të ngarkojë një fotografi të tij, në të cilën ai duhet të mbajë dokumentin e tij të identitetit siç është letërnjoftimi në dorë, duke mundësuar që verifikimi të bëhet vizualisht dhe në mënyrë të çartë.

Në rastin konkret, aplikuesi ka ngarkuar një foto të letërnjoftimit, por nuk ka plotësuar kërkesën e KQZ-së, për fotografi të vetvetes duke mbajtur dokumentin e identitetit por kjo foto nuk ka përmbushur kërkesën e verifikimit të identitetit, pasi nuk përmbante elementin e domosdoshëm: aplikuesi të jetë i pranishëm në foto duke mbajtur dokumentin në dorë, dhe kjo ka rezultuar në mos plotësimin e kriterëve të rregulluara me rregulloren e lartëcekur.

Prandaj, nga arsyet e theksuara më lart si dhe duke u bazuar në dispozitat e nenit 117 paragrafi 3, 118 paragrafi 1, neni 119 paragrafi 3 të Ligjit Nr.08/L-228 për Zgjedhjet e Përgjithshme në Republikën e Kosovës, nenit 3 paragrafi 4 pika 4.4 e lidhur me nenin 3 paragrafi 5 pika 5.4 e Rregullores Zgjedhore Nr.04/2025, për Regjistrimin dhe Votimin Jashtë Kosovës, dhe në bazë të Rregullores Nr.01/2025 për Procedurat e Parashtrimit dhe Vendosjes së Ankesave, Paneli vendosi si në dispozitiv të këtij vendimi

Paneli Zgjedhor për Ankesa dhe Parashtrësia

ZLA nr. 11/2025 më datën 06.09.2025

Kryesues i Panelit,
Kujtim Paşuli



KËSHILLAJURIDIKE: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.